

ATODLEN 7

PARTNERIAETHAU

RHAN 3

TRAFODIADAU CYFFREDIN GAN BARTNERIAETH

Rhwymedigaeth partneriaid cyfrifol ar y cyd ac yn unigol

- 11 (1) Pan fo rhwymedigaeth ar y partneriaid cyfrifol i dalu—
- treth neu log taliadau hwyr ar y dreth honno,
 - swm o dan adran 55 o DCRhT (adennill ad-daliad gormodol) neu log taliadau hwyr ar y swm hwnnw, neu
 - cosb o dan Ran 5 o DCRhT neu log taliadau hwyr ar y gosb honno,
- mae'r rhwymedigaeth yn rhwymedigaeth i'r partneriaid hynny ar y cyd ac yn unigol.
- (2) Ni chaniateir adennill unrhyw swm o dan is-baragraff (1)(a) neu (b) gan berson na ddaeth yn bartner cyfrifol hyd ar ôl y dyddiad yr oedd y trafodiad y mae treth yn daladwy mewn perthynas ag ef yn cael effaith.
- (3) Ni chaniateir adennill unrhyw swm o dan is-baragraff (1)(c) gan berson na ddaeth yn bartner hyd ar ôl yr adeg berthnasol.
- (4) Yr adeg berthnasol—
- mewn perthynas â hynny o gosb sy'n daladwy mewn cysylltiad ag unrhyw ddiwrnod, neu â llog taliadau hwyr ar hynny o gosb sy'n daladwy felly, yw dechrau'r diwrnod hwnnw;
 - mewn perthynas ag unrhyw gosb arall, neu log taliadau hwyr ar y gosb, yw'r adeg y digwyddodd y weithred neu'r anwaith a achosodd i'r gosb ddod yn daladwy.
- (5) Yn y paragraff hwn, ystyr “llog taliadau hwyr” yw llog taliadau hwyr o dan Ran 6 o DCRhT.